

**EVELYN WEVER-CROES:
TRAFICACION DI HENDE TA
CAUSA HOPI DOLOR, HUNTO
NOS POR STOP ESAKI!**



WWW.SOLODIPUEBLO.COM



SOLODIPUEBLO@GMAIL.COM


KIKO TA E IMPOTENCIA DI GERLIEN CROES?

**LUZNAN PA VELDANAN DI
NACIONAL, RCA Y RIVERPLATE TA
NA ARUBA VARIOS LUNA PASA
PAKIKO NO TA INSTALA NAN?**




**FISCAL A EXIGI 6 LUNA DI
PRISON Y 2 AÑA SIN RIJBEWIJS
PA CHOFER CU A OCASIONA
ACCIDENTE FATAL NA MALMOK**

**BOTO DI PISCADO A CUMINSA
YENA CU AWA DIAHUEBS ANOCHI**



MINISTER DOWERS A EFECTUA GROUNDBREAKING NA WEB PA E PLANTA NOBO DI SWRO-3 BOOT



Diahuebs mainta, a tuma luga e ceremonia di groundbreaking pa e planta di Sea Water Reverse Osmosis SWRO-3 BOOT. Na april 2024 WEB y Seven Seas a firma e acuerdo Build-Own-Operate-Transfer (BOOT) pa sigura suficiente produccion di awa di bebe na un prijs rasonabel pa

nos isla durante e proximo dies añanan.

Realisacion di SWRO-3 BOOT ta hopi importante pa WEB por trata na tempo e retonan cu e facilidadnan di produccion existente. SWRO-3 BOOT ta forma parti di WEB su trayecto di proyectonan strategico di awa di bebe



y ta conecta cu e “control center” nobo, di cual a haci su groundbreaking na september ultimo.

Pa e ocasion aki, Minister di Husticia y Energia mr. drs. Arthur Dowers a asisti na e groundbreaking y a duna un discurso, elogiando gerente di WEB pa e logro importante aki. Cu e SWRO-3, WEB por genera y garantiza suficiente produccion di awa pa cubri Aruba. Hunto cu Seven Seas Water Group, lo inicia cu e planta nobo aki di SWRO-3 cu lo mester keda cla pa juni 2026. Esaki ta un inversion di 10 milyon florin, pa e planta di SWRO-3 Boot y lo mester cumpli cu e demanda no solamente actual sino pa futuro tambe.

Director ing. Alfredo Koolman di WEB Aruba N.V. a reconoce e empleadonan di WEB pa percura pa Aruba tin awa limpi pa mas cu 93 año. E trabao den e planta no tur ora ta bay sin problema pero e dedicacion di e

personal ta crucial pa mantene e produccion optimal. Pa atende cu e retonan, lo mester haci inversionnan substancial den e planta. CEO di WEB, sr. Alfredo Koolman a expresa cu financiamiento di e proyectonan strategico di awa ta hopi critico y tin su atencion completo. E tin confiansa cu e financiadonan tambe lo contribui na e obhetivo hopi importante aki, pa garantiza cu na cada momento tin suficiente awa potabel na Aruba.

Koolman ta premira cu den 8 luna lo bin hunto atrobe pero pa celebra e entrega di SWRO-3.

Henry Charrabe, CEO di Seven Seas Water Group a indica cu e planta nobo di SWRO-3 BOOT por procesa entre 16500 m3 y 19000 m3 pa dia, y tin e meta pa no solamente garantiza awa pa awo pero tambe pa futuro. E acuerdo aki tin un duracion di 10 año y e proyecto ta conta cu 90% di personal for di e

mercado laboral local.

Minister Dowers a felicita e director di WEB y expresa su confiansa den e director y personal di WEB cu ta haciendo un bon trabao y tin vision pa cumpli cu e necesidadnan di pueblo pa futuro. Tin un consistencia solido di parti di e companianan di utilidad pa produci awa y energia pa comunidad por drumi den airco of bebe awa limpi. Minister Dowers a felicita cada un den WEB pa nan trabao duro.

Segun e mandatario encarga cu energia, “comodo di webo no sa e dolor di e galiña cu a pone e webo”, refiriendo na e hecho cu hopi no ta para keto pa realisa con duro e ekipo di WEB tin cu traha pa logra produccion di awa y coriente. E compromiso di gobierno ta pa sigui traha cu e personal di e companianan aki pa sigura produccion di awa di calidad continuamente.

Parlamentario Endy Croes:

KIKO TA E IMPOTENCIA DI GERLIEN CROES? LUZNAN PA VELDAN DI NACIONAL, RCA Y RIVERPLATE TA NA ARUBA VARIOS LUNA PASA PAKIKO NO TA INSTALA NAN?

Parlamentario Endy Croes ta dirigi preguntanan schriftelijk pa minister Gerlien Croes alrespecto proyectonan di luz pa nos canchanan deportivo e siman aki. Hopi potret pero tiki trabou! Gabinete Wever Croes II a inicia cu un proyecto di LED Light

Desde 2022/2023 Gabinete Wever Croes II bou guia di minister di Deporte e tempo aya a inicia cu un proyecto di luz pa tur canchanan deportivo na Aruba. Un proyecto di minimo 2 aña unda tur canchanan lo yega na turno pa cambia nan luznan anticua (halogen lampen di 2000 watts) pa LED Lights ultra moderno. Asina a reserva placa den presupuesto di Lotto pa Deporte pa por realisa e proyecto aki den añanan nos dilanti. A inicia cu Palo Marga unda a instala 26 poste di luz y a inverti den set di Led Light phillips ultra moderno. Coredornan y fanaticada ta testigo di e proyecto aki hasi cu hopi amor y pasion pa nos coredornan kendenan a sufri pa hopi anja largo. Cu mesun pasion a renova e pista. A continua cu Stadion GPT Dakota cual awe tin Led Light ultra moderno cu ta alkansa 1200 lux cumpliendo cu

egigencia di CONCACAF y FIFA pa weganan internacional. (nunka antes). A presupuesta y a bestel luznan pa Estrella, Sportboys, San Luis y Tanki leendert cual proyectonan a keda conclui. A order Led light pa parke Jaburibari e pista di BMX cual tambe ta conclui. Mescos a pone luz na Streetwise BMX Track San Nicolas. A concretisa Led light pa veld di Kudaweche. A percura pa cancha di basketball village wordo renoba y haña su Led Lights.

A bestel luznan pa veldnan di Nacional, RCA y Riverplate desde februari 2025 y esakinan tin hopi luna caba cu nan a yega Aruba pero te cu awe pa impotencia di un minister esakinan no a wordo instala. Ta urgí Minister concerni pa laga instala luznan na veld di Nacional, RCA y Riverplate cu nos a laga kla y cu tur luznan ledlight ta na Aruba. Si nos mester guia e trabou

nos ta disponibel paso esaki ta proyectonan pa nos deportistanan y no ta pa ningun partido politico of pa ningun politico. Nos hobennan mester di dije. Nos a laga atras presupuesto y un order pa Flatstone cual nos a caba di compronde cu minister actual a laga para e proyecto aki sin ningun motibo.

Pa capricho di un minister ta retardando proyectonan pa laga tempo pasa pa despues purba briya cu pluma di otro. Pone orguyo un banda y traha pa Deporte sin mira color politico. Nos a laga atras renobacion di luznan di veld Nadi Croes/Crismo Angela pa cambia tur luz pa Led Light y renobacion di Joe Laveist Sportpark. Den mesun rosea lo a renoba luznan na veldnan di Pos Chikito pa Led Light. Trabou di un minister ta pa sirbi un pueblo y no pa tranca proyecto pa capricho politico. Corda



awe Bo tey y mañan Bo no tey. Esey ta realidad di politica. Parlamentario Endy Croes ta lamentando masha hopi con e minister actual no ta cumpliendo cu veld y proyectonan di

Led light cu a keda cla y cu material y luznan ta na Aruba desde hopi luna caba. Lora manga di camisa y cuminsa traha di berdad.



Noticia di Corte

FISCAL A EXIGI 6 LUNA DI PRISON Y 2 AÑA SIN RIJBEDIJ PA CHOFER CU A OCASIONA ACCIDENTE FATAL NA MALMOK -1-

ORANJESTAD – Corte di Husticia a trata e lamentable caso di accidente fatal cu a sosode na Malmok riba 7 Juni 2024, caminda un auto Skyline a bolter, parti den dos y e dama Dariana Heredia Perez a fayece. E homber N.T. (20) a presenta dilanti Hues y a bisa cu e auto diripiente a cuminsa subi di velocidad y e auto no kier a para.

SOLO DI PUEBLO por a compronde cu N.T. a bisa cu despues cu e dama victima a bisa cu el a mira spirito na Arashi, nan a core bay for di eynan y e auto su velocidad a subi y no kier a para. Fiscal ta haya N.T. a core irresponsabel cu a causa morto di e defunto. Fiscal a exige 6 luna di prison y 2 aña sin rijbewijs.

ACCIDENTE TRAGICO

Hues a puntra N.T. kico a sosode. Segun N.T., nan tabata banda di laman na Arashi sinta den auto ta papia. Esey tabata mas o menos 12'or di anochi. E defunto a bisa cu e ta mira spiritonan rond di e auto y cu na banda di N.T. lo tin un spirito ta wak. N.T. a bira wak pero no a mira nada. Na dado momento N.T. a sinti un ril y su cabeynan a para. E y e defunto a spanta. E ora ey, el a bay for di eynan cu velocidad. Hues a puntra N.T., di con nan a bay Arashi. N.T. a bisa cu e defunto a yam'e pa bay busk'e pa e busca cuminda na Chines. Pero a resulta cu ta e defunto kier a sali cun'e. Nan a bay Wendy's cumpra cuminda y a bay sinta come banda di laman na Arashi. N.T. a bisa cu nan conoce otro 1 siman. Ta asina cu N.T. tin un amiga y entre tanto a haya yiu. E tempo ey e amiga tabata na estado y N.T. a bisa e defunto cu e relacion no por sigui. Segun N.T., e defunto no tabata contento y kier a sigui mira y papia cu N.T.

Hues a bisa cu Polis a haya celular di e defunto den auto di N.T. y a mira mensahenan whatsapp entre e defunto y N.T. caminda N.T. ta bisa e defunto cu nan mester stop e relacion pasobra e ta bira tata. E defunto no tabata kier y tabata rabia cu N.T. Hues a mostra cu ora N.T. a core bay for di Arashi, el a hera dal contra un patruya di Polis. N.T. a bisa cu el a core bay cu velocidad y a mira un auto pero no sa cu tabata Polis. Hues a bisa cu Polis a bisa cu nan mester a kita pa evita cu N.T. lo a dal contra nan. N.T. a bisa Hues cu e no a mira cu e auto mester a kita.

Segun N.T. e no sa con duro e tabata core pero despues e tabata core normal. Segun N.T., na diripiente e auto a subi di velocidad y N.T. tabata primi riba brake pero e auto no kier para. Hues a bisa cu Polis a busca videonan di seguridad den vecindario y por a mira cu ta un vez so e luz di brake a sende. Polis tabata core tras di e auto cu luznan di alarma sendi. Segun N.T., e no a mira nada. El a bisa Hues cu el a bira panico pa para e auto. N.T. a splica Hues cu el a yega di haya problema cu e throttle body di e auto y a cambia esaki. El a bisa cu e throttle body nobo tambe tabatin problema. Hues a mostra cu Polis a haci investigacion riba e throttle body. Riba pregunta di Hues, N.T. a bisa cu e no tabatin problema cu brake di e auto. El a bisa cu na dado momento el a perde control riba stuur di e auto. Esey a causa cu e auto a bolter y parti den dos cu consecuencia cu e defunto a fayece. Ta asina cu e accidente tragico aki a afecta N.T. masha hopi y te ainda e ta bou tratamento di psicologo.

Hues a puntra N.T. si el a bay papia cu e famia di e defunto. N.T. a bisa cu el a tende cu e famia tabata buske. El a bisa Hues cu e kier papia cu e famia pero e no sa con pa cuminsa. Te ainda e no a papia cu e famia.

DEMANDA DI DAÑO


Abogado mr. Faarup cu ta representa e famia di e defunto, a bisa Hues cu e famia a keda afecta ora nan a tende cu nan yiu a fayece. E rumannan di e defunto a keda afecta. E famia a keda cu hopi pregunta kico lo a pasa. E abogado a bisa cu e auto tabata core duro y irresponsabel. E auto a parti den dos cu consecuencia fatal. E famia ta puntra si tabatin un pustamento? Na opinion di abogado, e declaracion di e acusado no ta cuadra cu loke ta mira riba videonan di seguridad. E abogado a bisa Hues cu te dia di e caso, e acusado no a pidi disculpa, no a duna condelencia. Na opinion di e abogado, mirando N.T. su actitud, e ta haya cu N.T. falta di compasion. El a remarca cu te ainda, e famia no a scucha N.T. bisa sorry. E dos rumannan di e defunto ta bao tratamento di psicologo door cu nan a keda afecta. E muchanan chikito ta blo puntra ki dia e defunto ta bin cas bek. E abogado a bisa Hues cu ningun placa di mundo

lo por alivia e dolor. Por a mira cu e mayornan tabata yora ora e abogado tabata papia. E abogado a bisa cu e tata ta demanda gastonan di entierro cu ta algo mas cu 17 mil florin.

El a bisa cu tempo cu e defunto tabata traha, e tabata contribui cu 300 florin pa luna. Te cu awor e ta 12 mil florin cu e famia no ta haya. A tata a keda afecta, ora el a bay mira su yiu na funeria.

E tata ta demanda 10 mil florin. E mama a keda den shock ora cu e mester a bay hospital pa identifica su yiu. E mama ta demanda 30 mil florin. E 4 rumannan tambe a demanda 10 mil florin.

Continuacion pag 6



Parlamentario Evelyn Wever-Croes

EVELYN WEVER-CROES: TRAFICACION DI HENDE TA CAUSA HOPI DOLOR, HUNTO NOS POR STOP ESAKI!



ORANJESTAD - “Mi ta felicita sra. Jeanette Richardson-Baars di CMMA y su equipo cu e di tres pelicula “Habri bo wowo”. Ta peliculanan

cortico cu ta presenta con traficacion di hende ta tuma luga na Aruba. Lamentablemente nos tambe tin e problema aki na Aruba, y p’esey nos tur



mester ta alerta pa bringa e problema aki” Lider di MEP y ex Prome Minister Evelyn Wever-Croes a bisa den un entrevista.

Durante Gabinete Wever-Croes 1 y 2 a pone prioridad na combati traficacion di hende, y desde Parlamento e fraccion di MEP ta sigui comprometi na e causa aki. Pa e fraccion ta hopi importante pa tur hende realiza cu e problema aki ta uno hopi serio na Aruba. Tambe pa tur hende conoce

e señalnan pa detecta ora tin un caso di traficacion of abuso.

Y finalmente pa asina denuncia e casonan. “Mi ta purbando un tempo caba pa logra un reunion den Parlamento cu e team di profesionalnan di CMMA, den e comicion di husticia. E reunion ey no a wordo yama ainda.

Mi lo pidi tambe un reunion den e comicion di enseñansa pa un reunion

riba e tema aki. Na mi parecer ta hopi importante pa na scol caba nos siña nos hobennan reconece e señalnan di traficacion di hende y a traves di Parlamento nos lo kier mira con por logra esaki. Aruba ta un “one happy island”, y nos mester percura pa e ta asina pa tur hende cu ta biba aki. P’esey mi lo sigui sostene tur esfuerso di CMMA y nan partnernan, den esaki”, tabata palabranan di Evelyn Wever-Croes.

FISCAL A EXIGI 6 LUNA DI PRISON Y 2 AÑA SIN RIJBEWIJS PA CHOFER CU A OCASIONA ACCIDENTE FATAL NA MALMOK -2-

FISCAL

Fiscal a bisa cu e caso ta horroroso caminda un dama hoben a perde su bida. E pregunta ta, kico mester acusa N.T. di dje. Fiscal a bisa cu Polis por poco a dal fronta contra e auto cu tabata bin riba nan. Nan mester a kita y por poco a dreña laman na Arashi. A persigui e auto y den un birada na Malmok e auto a bolter y parti den dos. Investigacion a mostra cu e auto tabata core mas cu 150 km. Fiscal a bisa cu N.T. a declara na Polis cu e auto su trot a pega. Anterior e tabatin un accidente caminda e throttle body bieu a pega. A cambia esaki pero esun nobo tambe no tabata funciona bon. Polis a haci investigacion riba videonan di seguridad y a mira cu N.T. tabata core mas cu 150 km y no tabata brake. Segun Polis, N.T. tabata drift riba e caminda di santo. Fiscal ta haya cu door di N.T. mes, e auto tabata core asina duro.

Na opinion di Fiscal, N.T. ta bisa cu door di spirito, el a core duro. Fiscal ta kere cu por bien ta cu door cu N.T. a hera dal contra Polis y Polis a core su tras cu luznan di alarma sendi, N.T. tabata core duro. Fiscal a mostra cu segun N.T., e no a mira e auto di Polis. Fiscal a bisa cu tur chofer mester sa cu core riba di 150 km ta peligroso. N.T. tabata sa cu e auto tabatin problema y core mas cu 150 km ta un riesgo. Fiscal ta haya cu N.T. a core irresponsabel cu a

causa morto di e defunto. El a bisa cu N.T. a keda afecta y ta hayando tratamento. Fiscal a exige 6 luna di prison pa N.T. y 2 aña sin rijbewijs. Tambe Fiscal a exige pa confisca e auto. Pa loke ta e demandanan di daño, Fiscal a bisa cu e gastonan di entiero ta acceptable. Fiscal a bisa cu e no ta haya suficiente argumenta e placa cu e defunto tabata contribui. Fiscal a sigui bisa cu e ta haya cu tin diferente cos cu no a wordo splica bon pa cu e demandanan. Pa loke ta e demanda di e mama di 30 mil, Fiscal a bisa cu e ta laga na decision di Hues. E placa di pasashi di ruman muher, ta acceptable. E demanda di e rumannan, Fiscal ta laga na decision di Hues y a exige pa pone medida di pago.

ABOGADO

Mr. Edwards a bisa Hues cu ta acusa N.T. di a core irresponsabel cu a causa accidente cu consecuencia fatal. E abogado a mostra cu N.T. tabata cu un amiga y cu N.T. a scapa milagroso. N.T. a logra sali for di e auto y a bisa Polis cu e throttle body a pega y e no por a para e auto. E abogado a mostra cu cada vez N.T. a declara na Polis kico a pasa. El a perde control riba e auto cu su velocidad tabata keda subi y brake no tabata traha. E abogado a bisa Hues cu N.T. tabata concentra pa purba controla e auto y nada mas. Apesar di tabata den un trauma di loke a sosode, e tabata duna declaracion na Polis. E ta

bao tratamento di psicologo. E abogado ta haya cu falta mas investigacion riba kico realmente por a spera ora cu e throttle body a dañá y cual otro partinan di e auto lo a keda afecta door di esaki.

E abogado ta haya cu e accidente no tabata door di culpa di N.T. sino cu ta e mecanismo di e auto a dañá y N.T. no por a para e auto mas. E ta haya no por papia aki di cu N.T., a core irresponsabel. E abogado a pidi Hues pa declara N.T. liber di e acusacion di culpa. Mr. Edwards a bisa Hues pa tene cuenta cu N.T. a keda afecta y pa resto di su bida e lo mester carga cu el a perde un amiga. El a mostra cu ainda N.T. ta bou tratamento di psicologo y no ta asina cu e no kier papia cu e famia sino e no ta cla ainda pa por papia cu e famia.

Pa loke ta demanda di daño, e abogado a bisa cu e no kier bagataliza pero e ta haya cu mester splica e demandanan mas. El a bisa cu e ta comparti mas o menos punto di bista di Fiscal. El a pidi Hues pa reduci esakinan.

Na final di tratamento di e caso, N.T. a bisa Hues cu e accidente no tabata su culpa. El a keda den trauma. El a pidi disculpa na e famia den Corte.

Hues a sera tratamento di e caso y dia 6 November 2025 lo tin sentencia.

BOTO DI PISCADO A CUMINSA YENA CU AWA DIAHUEBS ANOCHI



Arashi - Diahuebs anochi autoridad lo a ricibi informacion di boto cu problema na altura di Arashi.

Informacion adicional tawata cu e boto lo ta bezig ta sink cu algun hende.

Na e sitio a topa cu e boto, cu practicamente ya tawata na canto. Tawata trata di e boto local Virgen del Valle A576.

Esnan cu tawata cu e boto a kita e motor y tambe a saca tur cos di e boto.

Na e sitio nos a compronde cu e aparentemente e boto lo a cuminsa pasa awa, momento cu nan tawata dreñando.



No ta conoci si e lo por a dal contra algo y esaki lo por a causa e problema.

Tampoco ta mucho cla si lo a usa takelwagen pa ranke boto pone riba tera.

Parlamentario Endy Croes: Segun Minister Dowers MIKE EMAN LO PONE E PROME “ENKELBAND”NA PIA DI BENNY SEVINGER INICIANDO E PROYECTO

Prome siman di October Minister Dowers a brinda informacion riba introduccion di “enkelband” pa prisioneronan. Ta trata di un proyecto di hopi aña pasa. Enkelband of (electronische detentie) ta pa un persona cu ta cera den KIA por bay cas cu e banchi mara na su pia cual ta wordo controla via un chip y asina reduci e capacidad den prison y tin mas cel disponibel pa otro casonan kisas mas pisa. Por a compronde cu Corsou ta usando esaki pa hopi tempo caba y ta un partner den e proyecto. Recien nan tabata na Aruba pa muestra Minister Dowers con precies esaki ta funciona.

E proyecto awor ta avansando den cooperacion cu entre otro CEA, KPA, KIA. Ta pendiente tambe di reclasering y feedback di varios partner involvi. Mester determina ainda cual departamento ta bay keda encarga oficialmente cu esaki. Por compronde cu Dowers ta preparando pa Benny Sevinger Benny Sevinger x minister di AVP a cay cera na aña 2021 pa e corrupcion mas grandi den historia di Pais Aruba. AVP banda di a crea e Mega Debe ta e Universidad di corrupcion na Aruba. Benny Sevinger tin sentencia di Hoger Beroep unda (3) Hues a haña cu plabel y e mester

bay sinta un castigo di 4 aña di prison. Leoncita nan amiga tambe a haña 2 aña. Por corda den e sentencia con Huesnan a prueba cu riba un cuenta di Susebeek amigo y man drechi di Benny Sevinger a haña 2.4 miyon (ORCO Bank Corsou) cual Huesnan a incauta y kita e placa aki for di nan cuenta. Huesnan a prueba cu ta placa procedente di bentanan di tereno di pais Aruba y cu Susebeek tabata paga masha hopi fabor na Benny drechando cura di su cas, cumprando dripping system pa muha mata, cumprando vectra Gym etc etc.

E caso actual ta den Cassatie unda e sentencia final lo sali aparentemente final di november e aña aki.

Intension di Dowers segun nois a compronde ta pa logra keda kla cu e proyecto di enkelband na tempo pa asina e convicto Benny Sevinger lo ta e prome cu por hasi uso di e banchi aki pa e no mester keda cera den KIA pero por sinta su sentecia na cas controla pa e banchi cu un chip. Lokual no tabata mucho cla den e conferencia di prensa si ta Dowers mes of ta Mike Eman lo bisti Benny Sevinger di AVP e prome enkelband (banchi pa pia) pa inicia oficialmente cu e proyecto.

En toda caso un proyecto di hopi aña cu ta na caminda pa wordo culmina.



M.J.C TROMP NOTARIS

Santa Cruz 35 • Santa Cruz, Aruba
☎ +297 585 3500 | +297 585 7900
✉ info@notaristromp.com

Op **dinsdag 11 november 2025** des namiddag om 14.00 uur, zal in de vergaderzaal van de “Aruba Surfside Marina”, L.G. Smith Boulevard 7, Oranjestad, Aruba, ten overstaan van notaris mr M.J.C. Tromp of haar plaatsvervanger, de executoriale verkoop, als bedoeld in artikel 3:268 van het Burgerlijk Wetboek van Aruba, bij opbod en daarop volgende afmijning worden gehouden van:

- het recht van erfpacht tot 6 juli 2031 op een perceel domeingrond, groot 399 m2, gelegen te Rooi Master in Aruba, kadastraal bekend als Land Aruba, **Derde Afdeling Sectie K nummer 20**, met het daarop gebouwde, plaatselijk bekend als “**Rooi Master 18-B**”;
Inzetsprijs: Afl. 240.000, ==;
- een perceel eigendomsgrond, groot ongeveer vierhonderd en vier vierkante meter (± 404 m2), of zoveel groter of kleiner als na kadastrale opmeting zal blijken zoals op het terrein is of zal worden afgebakend, gelegen te Papaya in Aruba, zoals nader omschreven in een particulier meetdocument opgemaakt door Caribbean Surveying & Civil Solutions N.V. nummer 48-2004 op 11 juni 2004 (index:D5537), afkomstig van het moederperceel kadastraal bekend als Land Aruba Eerste Afdeling Sectie L nummer 3577, met het daarop gebouwde, plaatselijk bekend als “**Papaya 20-T**”;
Inzetsprijs: Afl. 228.000, ==.

De veilcondities zullen 8 dagen voor de verkoopdatum ter inzage liggen ten kantore van voornoemde notaris.

De executant behoudt zich het recht voor, de veiling uit te stellen en op te houden zonder de verplichting de reden(en) daartoe te noemen.

Tot en met 27 oktober 2025 kan onderhands op het te executeren registergoed worden geboden bij een aan voornoemde notaris mr M.J.C. Tromp gericht geschrift.

Bieders dienen terstond een bankgarantie of een gelijkwaardige document dat aanvaardbaar is voor de executant, te overleggen en in het bezit te zijn van een geldig identiteitsbewijs.

Notariskantoor mr M.J.C. Tromp

Santa Cruz 35
Tel: 5853500/5857900
Whatsapp: (297) 6997245
Fax: 5854222
Email: veiling@notaristromp.com / auction@notaristromp.com
Visit: Arubanotary.com

Parlamentario Eduard Pieters di PPA:

“FOOD SECURITY SIN NOS CUNUKERONAN NO TIN SENTIDO”

Miembro di Parlamento Eduard Pieters (PPA) ta alerta cu e direccion cu e proyecto di Agri Innovation Park ta tuma, por resulta den un sistema cu ta “innovativo riba papel, pero inhusto den realidad.”

Mientras gobierno ta invoca e termino food security, Pieters ta adverti cu sin un rol central pa nos agricultor- y cunukeronan local, Aruba lo sigui depende di importacion y perde su oportunidad pa sostenibilidad real.

Un paso positivo cu un eror strategico Pieters a expresa satisfaccion cu gobierno finalmentetatrataetemadi seguridad di alimentacion

cu seriedad, pero el a enfatisa cu e manera cu e destaho publico ta formula ta saca nos propio pueblo afor. “Nos ta papia di ‘innovacion’, pero e destaho aki ta pidi experiencia cu ningun cunukero of agricultor Arubiano tin; glastuinbouw na nivel Hulandes,” el a bisa.

“Na final ta un stranhero lo haya e contrato, mientras cu nos agricultornan ta sigui pidi ayudo di awa pa nan planta.”

Sostenibilidad mester ta adapta na nos realidad E fraccion di PPA ta insisti cu si Aruba kier inovacion agricola, esaki mester ta adapta na su medio ambiente seco y

limita. Segun Pieters, nos agricultornan mes a propone varios idea briyante:

– Uzo di agrivoltaica (agrisolar) pa produci energia y sombra pa plantacion.

– Hydroponics pa planta sin depende tanto di awa.

– Robotics y drones pa asisti cu cosecha y mantencion.

– Integracion di inteligencia artificial pa monitorea crecemento y produccion.

Esaki ta inovacion real, cu ta crece for di nos mesun tera, no importa di e paisnan friu.

Un modelo logico pa un futuro Arubiano

“Nos mester stop di



importa modelo di otro paisnan y cuminsa crea un modelo cu ta Arubiano di berdad,” Pieters a declara. Y no ta cuestion di inventa e wiel, pero haci uzo di loke tin caba na e paisnan cu ta aplica e metodonan aki basa riba investigacion.

“Si nos no ta inclui nos pueblo den e concepto di innovacion, nos ta perde e esencia di sostenibilidad. Food security sin nos cunukeronan no tin sentido,” Eduard a termina bisando.

MINISTER GERLIEN CROES TA SIGUI REUNI CU SECTOR PRIVA IMPULSANDO INNOVACION DEN GOBIERNO



ORANJESTAD, 17 di october 2025 - Minister di Innovacion, mr. Gerlien Croes, ta sigui identifica oportunidadnan pa intensifica colaboracion cu empresa y stakeholdernan clave den area di innovacion. E obhetivo

principal ta pa promove desaroyo digital den aparato gubernamental pa logra un servicio publico mas eficiente, accesibel y moderno.

Recientemente, Minister Gerlien Croes a tene un

reunion cu Scispecs, un empresa specialisa den arkitektura digital y structura di proceso. E dialogo a concentra riba e structuranan di servicio y proceso interno, y riba posibilidadnan pa simplifica y digitalisa nan, pa aumenta eficiencia y transparencia. Tambe a elabora riba proyectonan ya caba den ehecuion den departamento di enseñansa.

E enfoke ta sirbi como base metodologico pa implementacion futuro



den otro instancianan di gobierno. Esaki ta garantisa cu cada paso den transformacion digital tin un fundeshi solido y ta yega e resultado optimal: servicio mas simplica, eficiente y adaptabel pa e funcionarionan cu ta

ehecutanan.

Minister ta mira padilanti pa amplia colaboracion cu mas empresa y stakeholdernan, den marco di un strategia nacional pa innovacion y digitalisacion.

ACCION DI BARIO DEN CURA CABAY ZUID CU HOPI MOMENTO SPECIAL



Diahuebs mainta a toca turno na Cura Cabay Zuid pa haya e ayudo di Accion di Bario den nan esfuerso pa revitalisa cada bario den necesidad. A presenta cu tur departamento concerni cu ta dunando un man. Prome Minister mr. Mike Eman, den oranan trempan di mainta, a haya un caluroso bonbini di e habitantenan di Cura Cabay Zuid cu tabata

sumamente contento di por tin su presencia den bario.

Cada porta cu a habri tabata un abraso y sonrisa genuino cu tabata indica e aceptacion di e esfuerso cu ta hibando pa embecece cada bario bek. A duna man mesora pa recoge locual cu mester tira afo y asina cuminsa deshaci di algun desperdicio den e bario.

Mester menciona cu e compleho aki ta uno ehemplar. Habitantenan ta yuda otro pa mantene e area limpi y cuida locual cu nan por. Mantencion di edificio ta un peticion cu nan tabatin, pa asina e casnan por keda muestra bunita. Ademá di limpi, algun habitante ta mantene e matanan y e alrededor den bon condicion. Ademá tin un bunita hardin cu diferente mata di fruta y berdura. E cancha di deporte tambe ta funcional pero lo mester haya su atencion bek. Un compleho tranquil y cu hopi hende amabel cu a sali pa ricibi e grupo di Accion di Bario.



Un momento super ameno a surgi ora cu a trece instrumentonan y a cuminsa un serenata bou palo. Nos pais ta yena di artista y musico cu ta sorpresa nos semper. A probecha e presencia di Robert Maduro e momento

ey, - y asina a laga e bosnan resona.

Cu cada Accion di Bario ta mantene e conexion cu e comunidad, ta haya feedback di gobierno su esfuersonan y ricibi conseho y sosten di esnan cu ta e motibo di e trabou cu ta ehecutando.



PARTIDO RAIZ A CONTINUE CU ABG 2025

RIBA E TOPICO DI PRENSA Y POLITICA



ORANJESTAD, ARUBA – 17 OCTOBER 2025 – Recientemente, Partido RAIZ a tene e tercer session di Academia di Bon Gobernacion 2025 (ABG) cu tabata enfoca riba e topico di evolucion di prensa y relacion entre prensa y politica.

Durante e anochi aki atendi pa 35 participante, dos figura conoci den media Arubiano esta Sr. Patrick Paskel y Sr. Tito Lacle a comparti nan perspectiva cu e publico atento.

Sr. Paskel a cuminsa e session cu un presentacion tocate su experiencia den 24ora.com, splicando con media moderno ta move lihe den un mundo digital. Segun Sr. Paskel, e prensa di awendia ta refleha mas riba e discusion social cu ta existi den comunidad enbes di influencia politica directamente.

A continua e anochi cu e presentacion di Sr. Lacle cu a muestra un estilo diferente di periodismo, enfatizando e importancia di papia cla y simpel pa un publico diferente. Su manera ta basa riba confianza y comunicacion directo.

Durante e parti di opinion di publico, Sr.

Toko Winklaar a duna su comentario y reconoce balor den e dos estilo di traha.

Sr. Winklaar su remarkanan a agrega mas profundidad na e discusion y a resalta importancia di diversidad den media.


E session aki ta parti di e esfuerso continuo di Partido RAIZ pa promove bon gobernacion y ekipa e comunidad Arubano cu mas conocimiento.

E siguiente session di ABG 2025 lo enfoca riba e topico di “Own the Room – Public Speaking” den colaboracion cu ORUA Toastmasters Club.


Pueblo di Aruba ta keda invita pa registra y atende e proximo sessionnan di ABG2025 completamente gratis pa asina sigui cu dialogo abierto cu ta uni politica y pueblo.



CROSSWORD WORD SEARCH PUZZLE



Fruits



Across

3. A big fruit you eat in the summer.
5. What fruit do monkeys like?
6. A red fruit.



Down

1. Purple fruit.
2. A small red fruit.
4. _____ juice.



GLITZ, GLAM & GLOW: THE ULTIMATE NEXT GEN RUNWAY TA ILUMINA ARUBA CU STYLE Y CONFIANSA



E pasarela lo briya mas cu nunca ora The Chaz Modeling and Talent School ta presenta Glitz, Glam & Glow: The Ultimate Next Gen Runway, un show di moda espectacular cu ta celebrá e talento nobo, creativo y briyante di Aruba.

Siguiendo e éxito grandi di "The Greatest Show" na aña 2023 e edicion di e aña aki ta subi e nivel cu un tema inspiradó: "Glitz, Glam & Glow." E evento ta combina moda, creatividad, arte y confianza den un experiencia visual y emocional cu lo keda na memoria di tur hende cu ta asisti.

"Glitz, Glam & Glow no ta solamente tocante moda, e ta tocante empowerment, confianza i expresá bo mes," segun

Directora di The Chaz Modeling and Talent School. "Tur modelo cu ta subi riba pasarela ta un ehempel di valentia, talento, confianza, creatividad y orguyo."

Un Celebracion di E Generacion Nobo

E show ta conta cu un grupo di modelonan hoben cu a pasa pa e programa innovadó di Chaz, cual lo muestra coleccion di diseñadónan talentoso, segmentonan temático y efectonan di lus cu ta reflehá e idea di "glow." Ta spera un atardi yen di energia, musica y positivismo, un refleho real di e espirito vibrante di nos hobennan di Aruba. Tambe lo tin The Explosion Dancers for di Curacao lo bin presenta varios Bailenan super

energetico y moderno p'asina entretene e publico presente. Pa e runwaynan lo tin 3 Designers cu lo presenta nan coleccion nan espectacular pa e publico presente. Muchanan, hobennan y mayornan no perde e oportunidad aki y bin cu tur e animo pa disfruta di un bunita show varia pa sera e vakantie aki.

Fecha di Glitz, Glam and Glow ta diadomingo awo 19 october 2025, na Renaissance Convention Center cuminsando for di 5:30 PM. Ticketsnan ta obtenibel na Afl. 50,= (pre-benta) y na porta Afl. 65,= (bishita nos facebook y instagram page pa contact nos). Por DM 5604567 pa bo cumpra bo ticket tempran.

Glitz, Glam & Glow ta atraé famianan, amante di moda y arte di expression, y media local, na unda ta duna un plataforma unico pa mostra e creatividad y confianza di e generacion nobo di nos isla.

Tocante The Chaz Modeling and Talent School

The Chaz Modeling and Talent School ta e skol di modela y talento di hoben y mucha cu ta hopi conoci y experiencia di Aruba cu tin 27 aña di existencia, cu ta ofrecé programa moderno pa desaroyá confianza, disciplina y profesionalismo. Cu evento nan inspiradó manera Glitz, Glam & Glow, Chaz ta sigui inspirá y empoderá e talentonan hoben pa briya den pasarela y den vida.

Glitz, Glam & Glow: The Ultimate Next Gen Runway caminda moda ta topa cu inspiracion, y cada paso ta briya cu confianza.



BIBLOTECA NA SCOL! MINISTER GERLIEN CROES TA FELICITA SCOL SOEUR JULIETTE Y COLEGIO SANTA TERESITA CU NAN LOGRO



ORANJESTAD, 17 di october 2025 — Cu hopi orguyo y felicidad, Minister di Educacion mr. Gerlien Croes a forma parti di dos inauguracion den nos sector educacional: e apertura di e biblioteca “Bichi Sabi” na Scol Soeur Juliette na Santa Cruz y e apertura di e biblioteca “Bukilandia” na Colegio Santa Teresita na San Nicolas.

Despues di añanan di dedicacion, plan y esfuerso colectivo di docentenan, personal di scol, alumnonan, y comunidad, e dos scolnan aki finalmente tin nan propio espacio pa stimula lesamento, imaginacion y amor pa conocimiento. E iniciativa aki ta un refleho di compromiso pa fortifica lesamento y estimulacion di creativa

for di un edad hoben.



E bibliotecanan no ta solamente un luga pa lesamento, pero un rincon di inspiracion unda mucha por soña, descubri y amplia su mundo yena di aventura. Minister Gerlien Croes a expresa su aprecio pa tur esnan cu a contribui pa logra esaki, destacando cu “cada buki ta un bista nobo riba mundo, y cada scol cu un biblioteca ta mas cerca di forma un generacion

cu ta pensa critico y cu ta stimula pa siña”. Un felicitacion special na tur dos e scolnan, cabesante, docente y fundacionan concerni manera Quota Club cu e yuda lidera un di e proyectonan aki, esaki ta gran logro educativo. Hunto nos ta traha pa un futuro unda lesamento y conocimiento ta e base di un comunidad fuerte y inspira.

LEY CU TA LIMITA UZO DI PRODUCTONAN DI TABACO

PROTEHANDO SALUD PUBLICO

6 Ta prohibi pa vende of duna produccionan di tabaco na personanan bou di 21 aña

SOLO Di Pueblo

ARUBA LIBER DI TABACO

HALA ROSEA LIBREMENTE BREATHE FREELY

FUNDACION ATELIERS '89 PUNTO DI BEYAS ARTE ARUBA

cu sumo placer y honor ta anuncia participaci3n di su
artistanan na FUZE Art Exhibition, for di 22 pa 26
di Oktober na Nassau Bahamas



obranan di arte di nos artistanan. Pa representa Aruba bou di Ateliers '89 na FUZE Art Exhibition. Cu e gran oportunidad pa nos artistanan cu na marketing personal, contacto internacion prensa ,y conoce curadornan internacional di arte cu por trece otro intercabinan interesante. E apertura lo ta otro siman di Daiamars 22 pa 26 di Oktober 2025. Tur esdaki na centronan di exposici3n na BAHAMAR, Nassau Bahamas. Unda su gran apertura lo wordo efectua pa e famoso artista LENNY KRAVITZ.

E escohencia y invitacion di e artistanan di Ateliers '89 e biaha aki a bira; dermatologo y artista Nuris Lampe cu su excelente pinturanan. Romelinda Maldonado artista tres dimensional cu su esculturanan intenso y fant3stico y Director Artista y Curador di Ateliers '89 Elvis L3pez cu su instalaci3nnan, di dibuho y obheto mural. Trahando hunto cu e gran artistanan aki ya pa basta tempo formando e team grandi di Ateliers '89. Ateliers '89 ta sumamente orguyoso cu nan por representa Aruba y Ateliers '89 engrande na FUZE. Creando y presentando sin duda un galeria fuerte cu obranan unico cu diferente tipo di exprecionnan contemporaneo. Cu lo ta yen di sorpresa pa deleito pa tur esnan cu por bin mira e exposicionan.

Cu participacion di 120 Artista e exposicion di FUZE aki ta priminti di bira uno fuerte y cu hopi expectativa den e siman grandi di su presentacion. Ta keda nos pa invita tur cu kier aporta pa haci donacionnan direct



Si, nos na Ateliers '89 ta sumamente contento cu e organisacion di e evento aki yama, FUZE Art Exhibition, cu a dicidi di invita Ateliers '89 Punto

Di Beyas Arte Aruba su artistanan pa participa na dicho evento. Na unda nan comishon critico a dicidi y escoge y acepta segun nan criteria e tremendo



na Aruba Bank bou di stichting Ateliers '89 Academia de Bellas Artes Aruba nr; 2222970190. Nos ta termina agradiciendo tur miembronan Fundacion Ateliers '89. Nos sponsornan di semper

pa nos programa anual na Ateliers '89. Tur cu a traha duro pa haci e presentacion di Aruba na Bahamas posibel. Unda cual lo ta balapena pa ricibi un yudansa financiero, aporta!, cu lo ta e cheri riba



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Anochi - October 17, 2025



Sorteo # 8676

5399

5848

5006



X5



Sorteo # 7720

7599



X2



Sorteo # 2425

7611



Sorteo # 6479

5578

Piscis



Sorteo # 1409

393



FP



Sorteo #

0 x Jackpot

0 x Match 4+

0 x Match 4

0 x Afl. 12.00

Joker

Letter

Proximo Jackpot

180.000,-



Sorteo # 6980

0 x Jackpot

5 x Match 4

154 x Afl. 8.00

02-03-10-22-23

Proximo Jackpot

64.000,-



Sorteo # 1810

0 x Jackpot

0 x match 4

0 x Afl. 500.00

0 x Afl. 50.00

0 x Afl. 15.00

Mega Ball

Proximo Jackpot

340.000,-



Afl. 440.000,-



Sorteo #



 Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Merdia 🕒 - October 17, 2025		
 Sorteo # 4775 2768 5764 2832  X2  Sorteo # 4775 9264  X2  Sorteo # 2831 5934  Sorteo # 4775 7403 Scorpio  Sorteo # 1649 733  FP		
 Sorteo # Joker Letter 0 x Jackpot 0 x Match 4+ 0 x Match 4 0 x Afl. 12.00 180.000,-		
 Sorteo # Proximo Jackpot 0 x Jackpot 0 x Match 4 0 x Afl. 8.00 64.000,-		
 Sorteo # Mega Ball 0 x Jackpot 0 x match 4 0 x Afl. 500.00 0 x Afl. 50.00 0 x Afl. 15.00 340.000,-		
 Afl. 440.000,-		
 Sorteo # 		

GOBIERNO TA MONITOR SITUACION DI TEMPO DEN REGION

Diabierna mainta, Gobierno di Aruba a yama un conferencia di prensa pa asina duna informacion riba un posibel disturbio of mal tempo den Atlantico cu ta moviendo den direccion west. Ta trata te na e momento aki di un posibel ola tropical cu ta acercando nos area den transcurso di otro siman. Prome Minister Mike Eman a indica cu relaciona cu e situacion di tempo, ta monitoriando e situacion di cerca hunto cu Crisis Management Office (CMO) y Departamento Meteorologico Aruba (DMA). Ta premira pa otro siman diaranson of diahuebs lo por tin algun yobida. Si acaso e disturbio aki haya mas estructura, lo evalua e momento cu lo yama un siguiente conferencia di prensa pa tene e comunidad na altura di e posibel cambianan y potencial consecuencia pa nos isla.

Mientrastanto departamentonan di gobierno ta haciendo algun trabou di mantencion den diferente area di nos isla, entre otro Bubali, San Miguel y Keito pa evita cu acumulacion di awa por bay causa posibel molester. Pueblo por ta tranquil cu ainda no ta papia di un formacion di un sistema tropical organisa pero ta urgi comunidad pa monitoria DMA su website oficial www.meteo.aw pa cualkier cambio. Premier Eman a remarca riba e importancia di anticipa e informacion na comunidad. Teniendo na cuenta e diferente publicacionnan cu ta awendia na alcance di comunidad, ta na su luga pa duna e comunidad e contexto cual tin cu mira e pronostico di tempo. Gobierno ta pendiente



na momento cu e sistema aki dreña nos area y ta premira yobida fuerte y preparando pa soluciona cualkier situacion cu presenta cu nivel di awa. E sistema ta dos mil kilometer leu di distancia di lama Caribe te ultimo cu a monitoria. Probabilidad ta

20/30%. Si bira depresion tropical lo por haya algun impacto chikito. Ta hopi prematuro pa bisa un pronostico exacto pero no tin indicacion di un horcan te na e momentonan aki. Si acaso e disturbio bira un horcan, nos lo ta papiando e ora di horcan Melissa.

Clasificados




SOLODIPUEBLO@GMAIL.COM
CEL.585 9500


SOPI DI LETRANAN

HALLOWEEN

C	E	R	T	M	Q	I	F	E
Z	A	U	T	R	A	T	O	S
P	R	L	V	E	M	I	X	Q
R	A	E	A	R	D	C	O	U
A	Ñ	A	M	B	L	N	B	E
J	A	I	P	I	A	E	V	L
U	C	M	I	T	D	Z	S	E
R	A	O	R	O	R	P	A	T
B	I	M	O	T	R	U	C	O

CALABAZA
VAMPIRO
ESQUELETO
BRUJA

TRUCO
TRATO
ARAÑA
MOMIA

SUDOKU

5		9				4		
7		8	3		4	9		
6		1				7	3	
4	6	2	5					
3	8	5	7	2	1	6	4	9
1	9	7	4		8	2		
2			1					4
		3		4			8	7
	7			5	3			6

8								
		3	6					
7			9		2			
5				7				
				4	5	7		
			1				3	
		1					6	8
		8	5				1	
9						4		

	8							
				2	1	8	7	
2			3				5	9
		4			9		2	
	7		2	1	8	4		6
9					3	7		
6	9		4					
	4	8	1		7			

Oracion di dia

Un feliz comienso di weekend colma cu hopi amor y bendicion di Dios.

Stima Señor, bo Dios, di henter bo curason, cu henter bo alma, cu henter bo mente, y cu tur bo forsa. E di dos mandamento mes importante: "Stima bo prohimo manera cu bo ta stima bo mes. No tin ningun otro mandamento cu ta mas importante cu esakinan." (Marco 12, 30-31)

Dios a crea bo segun su imagen, a duna bo e mesun capacidad pa stima, a supla den bo e mesun rosea di amor. Si bo ta cristian, bo tin cu tuma e antorcha di amor for di Cristo, carghe cendi durante henter bo bida, y pase despues na bo yiunan, na bo amigonan y coleganan. E antorcha di amor aki tin cu pasa di man pa man, tin cu cende cas pa cas, ilumina curason pa curason y mente pa mente. Scuridad tin miedo di e antorcha di amor aki. Unda e antorcha aki ta cendi scuridad ta dirti bira nada, manera pida ijs. T'esaki ta amor: no ta nos a stima Dios prome, sino t'E a stima nos y a manda su Yiu pa E bira sacrificio pa pordon di nos picanan. (1Huan 4,10) Solamente ora bo ta descubri e tesoro cu ta den bo paden cu yama amor y solamente ora bo ta entrege na otro, lo bo ta feliz.

Oracion: Señor guia mi y proteha mi den Bo cosnan di haci di tur dia. Pa bo Amor ta semper hunto cu mi. Bo promesa ta real! No obstante ki tribulacion mi haya mi aden, mi sa cu Dios no ta laga mi bandona, den number di Hesus di Nazaret. Amen.

LAMENTABLEMENTE ABUSO Y TRAFICACION DI HENDE TA UN FENOMENO CU TA TUMA LUGA NA ARUBA TAMBE



pa comunidad ta critico pa cu abuso y traficacion di hende y tuma accion. Ignora casonan asina no ta un opcion si kier yuda combati e fenomeno aki cu lamentablemente tambe ta pasa cu frecuencia na Aruba. Ta pa e motibo aki tambe cu Minister Dowers a introduci e maneho di regularisacion pa stranheronan indocumenta. Minister Dowers ta na altura di casonan caminda cu personanan local ta atrae stranheronan pa bin traha na Aruba cu un cantidad di promesa, pero ora yega Aruba ta hinca nan den container como vivienda, duna nan lo minimo na cuminda y paga salarionan no acorda mientras ta kita nan paspoort. Dunando nan e opcion pa legalisa y educando nan di nan derechonan, e ta empodera e personanan aki pa por yuda nan mes na momento cu nan bira victima di abuso of traficacion.



Diahuebs mainta, Minister di Husticia mr. drs. Arthur Dowers, a asisti na e premiere di un pelicula cortico produci pa CMMA relaciona cu traficacion y abuso di hende. Durante e presentacion, invitadonan

por a presencia un storia di un bisiña cu ta abusa di tres dama stranhero den forma di labor erotico online. Ta cu mal presentimento, un welo cu ta biba otro banda di caminda a

detecta cosnan cu no ta normal y a inicia su observacion cu a culmina den dismantelacion di e operacion ilegal aki.

na demas autoridad pa inicia e investigacionnan.

Minister Dowers a subraya e importancia

E campaña di CMMA ta pa crea conscientisacion den comunidad pa tin un wowo critico riba posibel casonan di traficacion y abuso y pa meld cualkier sospecho na autoridadnan competente. Ademas e ta enfoca riba e victima cu tambe tin derecho y ta conscientisa nan tambe riba e camindanan pa cana si nan ta victima di traficacion y of abuso.

CMMA su rol ta pa haci investigacion di casonan di abuso y traficacion di hende, studia e tendencianan cu ta keda cambia y reporta esakinan

Clasificados

SOLODIPUEBLO@GMAIL.COM

CEL.585 9500